



ՀԱՆՐԱՅԻՆ ՀԵՌԱՐՁԱԿՈՂԻ ԽՈՐՀՈՒՐԴ

ՈՐՈՇՈՒՄ

27 մարտ, 2024 թվականի № 23-Լ

«ՀԱՅԱՍՏԱՆԻ ՀԱՆՐԱՅԻՆ ՀԵՌՈՒՍՏԱԸՆԿԵՐՈՒԹՅՈՒՆ» ՓԱԿ ԲԱԺՆԵՏԻՐԱԿԱՆ
ԸՆԿԵՐՈՒԹՅԱՆ ԿՈՂՄԻՑ ԸՆԿԵՐՈՒԹՅՈՒՆ ՀԻՄՆԱԴԻԵԼՈՒ ՄԱՍԻՆ

Ղեկավարվելով «Տեսալսողական մեդիայի մասին» Հայաստանի Հանրապետության օրենքի 24-րդ հոդվածի 1-ին, 2-րդ, 4-րդ և 5-րդ մասերով, 26-րդ հոդվածի 2-րդ մասի 2-րդ կետով, «Նորմատիվ իրավական ակտերի մասին» Հայաստանի Հանրապետության օրենքի 1-ին հոդվածի 2-րդ մասով, «Հայաստանի հանրային հեռուստաընկերություն» փակ բաժնետիրական ընկերության (այսուհետ՝ նաև Ընկերություն) գործող կանոնադրությամբ, հիմք ընդունելով «Տեսալսողական մեդիայի մասին» Հայաստանի Հանրապետության օրենքի 27-րդ հոդվածի 1-ին մասի 15-րդ կետը և «Բաժնետիրական ընկերությունների մասին» Հայաստանի Հանրապետության օրենքի 67-րդ հոդվածի 1-ին մասի 25-րդ կետը, ինչպես նաև Ընկերության գործադիր տնօրենի կողմից 2024 թվականի մարտի 26-ին Հանրային հեռարձակողի խորհրդին ներկայացված N-ՀՄ-02/214/24 գրությունը և հաշվի առնելով Ամերիկայի Միացյալ Նահանգներում հանրային հեռարձակողի տեսալսողական հաղորդումների հեռարձակման կարևորությունը, ինչպես նաև այն հանգամանքը, որ Հանրային հեռարձակողի խորհուրդը հանդիսանում է Ընկերության կառավարման մարմինը և Հանրային հեռարձակողի խորհրդին են վերապահված Ընկերության հիմնադրի անունից հանդես եկող լիազորված մարմնի իրավասությունները՝ Հանրային հեռարձակողի խորհուրդը **ո ր ո շ ու մ է**.

1. «Հայաստանի հանրային հեռուստաընկերություն» փակ բաժնետիրական ընկերության կողմից Ամերիկայի Միացյալ Նահանգների Կալիֆորնիա նահանգում հիմնադրել «Առաջին ալիք Ամերիկա» քորպորեյշն դուստր ընկերություն՝ Սի Քորպորեյշն (Corporation) կազմակերպարավական ձևով:

2. Սահմանել, որ «Առաջին ալիք Ամերիկա» քորփորեյշն դուստր ընկերության ստեղծման հիմնադիր ժողովին և այլ ժողովներին «Հայաստանի հանրային հեռուստաընկերություն» փակ բաժնետիրական ընկերության անունից մասնակցելու և համապատասխան որոշումներ կայացնելու լիազորությունը պատկանում է «Հայաստանի հանրային հեռուստաընկերություն» փակ բաժնետիրական ընկերության գործադիր տնօրենին:

ՀԱՆՐԱՅԻՆ ՀԵՌԱՐՁԱԿՈՂԻ
ԽՈՐՀՐԴԻ ՆԱԽԱԳԱՀ

Ա. ՇԻՐԻՆՅԱՆ

27 մարտ, 2024 թվականի
ք. Երևան